

## Annus Christi 830.

Gregorij IV. Pont. 3.

Ludovici Pij Imp. 17.

Baduradi Ep. Pad. 16.

Funestus, qui consequitur, annus octingentesimus trigesimus, quo conjuratio in pessimum Imperatorem detecta arsit in civilia dissidia & arma; quae ut multis Theganus, Auctor vitae Ludovici, & Nithardus Caroli M. ex filia nepos quatuor libris descripte: ita causae à varijs scriptoribus afferuntur variæ. Imperator ob bella ante biennium in Hungaria & Hispania Ducum socroria improspere gesta, plerosque eorum in ordinem redegerat. Adhæc Bernardum Septimancæ ducem, gente Hispanum, adsciverat in aulam, & Supremum cubiculo ministrum præfecerat, per quem summa admistrabantur. His primùm offensi proceres quidam Regni, plures in societatem trahunt summos infimosque, atque inter hos Pipinum filium, juvenem audacia promptum. Sparsus exinde rumor Juditham Imperatricem adulterinis amoribus miseri Bernardo Duci, quo haud leviter Pipini & aliorum filiorum animus exulceratus in Patrem & novercam, odiumque illud incensum, quod dicerent Carolum & Rudolphum novercae artibus præferri & regnis destinari. Castigabat præterea Imperator Episcoporum & optimatum luxum multis à se legibus latis, quo stimulo maximè præsulum animi incitati credebantur; tractique in conſpirationem Jesse Ambianorum Episcopus, Hildvitus Archicapellanus aulæ, & Walo Corbeiæ Abbas Hilduini causâ. Horum auctoritate aliorumque potentia fretus Pipinus exercitum contraxit; sævitumque primò in aulæ Imperatoriæ proceres. Heribertus Bernardi Ducis filius oculis orbatus: Rudolphus & Conradus Judithæ fratres in monachos attorsi: Juditha, quam Imperator Lauduni in monasterio S. Medardi collocarat, per custodes appositos ad Imperatorem rapitur, mortemque intentant, ni Imperatori persuadeat, ut abrogato imperio monachum induat, atque ipsa deinde sumpto velo idem vita genus amplectatur. Promittit hæc Imperatrix; post quæ Compendium dicitur, ubi Imperator morabatur. Hic vero auditis de amplectenda vita monastica conspirantium consilijs spatium deliberandi poscit. At Imperatrix inde redditia conjuratis retruditur in coenobium S. Radegundis, & vi ad sumendum velum adigitur. Inter hæc Lotharius filius Collega Imperij ex Italia ad patrem accessit; & ea quidem, quæ facta erant, probavit: nihil tamen in patrem severius agi est passus, sed ad publicum conventum omnia deduci consensit; quem Imperator, cum Germanis magis fideret, quam Francis, Neomagi indixit, quo omnis propè Germania Saxoniaque in Autumno confluxit in auxiliū

um